

Nuorttanaste

»Gæca dam Ibmel labba,
gutte mailme suddo guodda!«

»Son dagai rafhe su ruosa
varai bokte.«

No. 1.

10ad jakkegærdde.

»Nuorttanaste« maksa ovta kruvna jakkoda
gast, blaðde dinggujuvvu juokke poasta-
rappe lutte.

15ad Januar 1908.

»Nuorttanaste« olgusboatta guovte garde
manost — dam 15ad ja dam 30ad bæive
juokke manost.

1907—1908.

Buristsivneduvvum oddajage
savvap mi buok blaðe lokkedi ja
doalledi.

Hærra buristsivdnadusa læp mi
muosatam jagest 1907. Mi buokak
læp juoga buore sust vuostaivalddam
sikke rumašlašat ja vuoinalažat. Rub-
maš bælest læ Ibmel oudastmorraš ad-
nam min oudast. Son læ migjidi buo-
kaidi bæivalaš laibe addam. Ja jos i
læžage buok aigi læmaš nuft valljo-
gasat, go mi savaimek, de mi almake
hæde æp gillam. Son ani min oudast
morraš, nuft atte mi oažoimek darbaš
aigai væke.

Vuoina daihe sielo bælest læ son
maidai adnam min oudast morraš.
Son davja dam vassam jagest saddy
su ravkkam-jienas min vaibmoi, su
sadne njuorasmatti min manga have.
Mi dovdaimek, atte son læi min lakka.
Ja go su manak morrašest ja dorvo-
tesvuoda lakka legje, de vanhurskes-
vuoda bæivača suodnjarak baitte vai-
mo sisa, ja de čuvgodu.

Damditi mannap mi maidnom-
lavllagin jage 1908 sisa. Min siello
læ devddujuvvum gitosin Ibmeli su
arbmogasvuoda oudast dam vassam
jage. Go mi gæčap boatte aige vuos-
tai, de dakkap mi dain daina nana
doavoin, atte min kaptæina doalvvo
skipa čađa buok vaddesvuoda. Mut-
to jos son dam galgga oažžot dakkat,
de ferttep mi sudnji addet buok ko-
mando. Dat læ: Mi berrep buok ašid
ja buok morrašid bigjat Jesus ala.

Dakkop mi dal dam buokak, ja
minguim manna burist.

Doala angeret »Nuorttanaste!«

Okta stuora loppadus jakkai 1908.

»Mon, mon læm dat, gutte din jeđ-
dim; gi don læk, go don balak olb-
must, gutte galgga jabmet, ja olb.
mu manast, gutte galgga šaddat
nuftgo rasse, ja go don vajaldattak
Hærra, du sivdnedægjad, gutte ol-
guslebbi alme ja vuodđodi ædnama,
ja balak alelassi juokke bæive ates-
tægje satto diti, go son bigja su
njuolas garvesen høvatam diti? —
Gost læ dalle atestægje sutte? Farga
galgga dat, gutte læ vøllamen lakki
siste, luittajuovvut luovos ja i galga
jabmet ige mannat havddai, ja ige
sust galga vaillot su laibbe. Ja
mon læm Hærra, du Ibmel. — —
Es. 51, 12—15.

O, vare mon lifõim nuft likko-
laš, atte mon matašim oamastet ald-
sesam daggar arbmogas duodaštusal
De manašim mon oddajage sisa dor-
voin ja doavoin. Vuoi maggar boate
aigge daddel! Ovta mogjajægje æd-
nana oainašim mon rappaseme oud-
dasam, daggar ædnama, mi govddo
mielkest ja honnegest! —

Mutto vuoi! vuoi! — — Nuft
daidak don lokke cælkket.

Na mi læ dal, mi dust læ vad-
desvuottan. Lægo dat dat ucca sanaš
»din,« man ala don gæčak ja jurda-
šak: Mon dat im gula daidi; mudnji
dat sadne »din« i guoska, go Hærra
cælkka: »Mon, mon læm dat, gutte
jeđdim din.«

Gula siello! jeđdetussi matta læt
sagje dušše dobbe, gost morraš, vaille-
vuotta ja hætte læ vaimost. Jos don
læk okta daina, daihe okta Ibmel ar-

mo ja ustebvuoda manjai šuokke siel-
lo, de dalle de cælkka Hærra: »Mon,
mon læm dat, gutte jeđdim din.«

»Mutto mon atestuvam ija ja bæive
damditi go monbalam boattemest olb-
mui giedaidi ja šaddamest bilkkon ja
higjadussan, dainago læm goccemæt-
tom læmaš ja læm suddodam.« Nuft
gullap mi du fast vaddemen.

Gula, mi Hærrast læ dudnji cælk-
ket: »Gi læk don, atte don balak ov-
ta olbmust, gutte galgga jabmet, ja
olbmu manast, gutte galgga šaddat
dego rasse, ja atte don vajaldattak
Hærra du sivdnedægjad, gutte olgus-
lebbi alme ja vuodđodi ædnama.«

Maggar ačče armetrebne lifõi dat
jos du rakis ja oskaldas ačče addaši
andagassi dudnji buok du suddoid su
vuostai ja addaši dudnji su ačalaš
loppadusaid andagassi addujume birra
gidda dam manemus vuoinarotte-
ma ragjai. Mutto atte son almaken luoi-
taši dai vilda spiri du ala — satan ja
bahas olbmuid ja diftaši daid dušsa-
det du. Dam i daga son i eisege.

Læ galle nuft, atte muttom aigid
dat ucca jovkoš, gutte læ soat-
tat alggam sœvdnjadasa famo vuostai,
daggar dillai joavdda, atte roappanæ-
me oaidna vuoinalažat čalmides oudast
ja fertte nuftgo gonagas David saddet
»šuočkema čiegnalasast,« ja cælkket:
»Mu Ibmelam, mu Ibmelam armet
mu!« Mutto son læge dalle fuobmam,
atte dat sukkis mierkka læ biedganam
ja armo albme læ šærasmam.

Dat i væket vaiko don duhat
gærde læk sivalaš dam hættai, man
sisa don læk boattam. Don ferttek
dast olgus bæssai, ja olgus don dast
galgak bæssat. Vaiko du jægga ja
Bærgalak ja buok, mi du olgobælde
ja du siste læ cælkaši »ik bæsa« »væg-
jemættom læ.« »Don ferttek jabmet du
varnotesvuodad sisa.«

Gæsa galgak don jakket, jos ik jake Hærrai maidai dam ašest. Gula dal, maid son — gutte ječas goččo Hærran du Ibmelen, cælkka dam aše birra: »Farga galgga dat, gutte læ vællamen lakki siste, luittujuvvut luovos ja i galga jabmet, ige mannat havvdai, ja sust i galga vaillot su laibbe.»

Jos don læk čagjadaun ja læk mannam du ječad suddolaš gæino mielde, de gula dalle, maid Hærra aiggo dakkat daggariguim: »Si čagjadegje meci di gæinotes avddembaikidi æige gavdnam assambaike. Si legje nælgest ja goikost. Sin siello læi apetæbme sin siste. Mutto de čurvyvo si Hærrai sin hædesek siste, ja sin átestusast besti son sin. Son doalvoi sin rivtes gæino ala, nuft atte si besse mannat dam gavpugi, gost si matte assat. Si galggek maidnot Hærra su arkalmastemvuoda ja imašlaš dagoi diti olbmui manai oudast; dastgo son galleti vuometuvve sielo ja devdi nælgege sielo buriguim.» Sal. 107, 9.

Jos don læk læmaš gažžar, ja jos don vuigistaga Ibmela dato ja rađid bagjelgæččama bokte læk giddim ječad lakkidi ja ruvdidi, mutto dal aigok jierbmagoattet, de gula, maid Hærra du Ibmel dudnji cælkka:

»Si čokkajegje sævdnjadasa siste ja jabmem suoivan siste, čadnujuvvum varnotesvutti ja ruvdidi, dainago si legje læmaš vuostehagolažak Ibmel sane vuostai ja bagjelgæččam dam alemusa ruđe. Damditi sojati son sin vaimoid gillamuša bokte. Si guossalegje, ja i læm oktage væketægje. De si čurvyvo Hærrai sin hædestæsek; sin atestusain erit besti son sin. Son doalvoi sin sævdnjadasast ja jabmem suoivanest olgus ja botki sin baddid. Si galggek ramedet Hærra oudast su arbmogasvuoda ja oavddodagoid olbmui manai oudast; dastgo son cuvkki væikeportaid ja moallon čuopai ruovdesmartid.» Sal. 107, 10—16.

Hærdotume duobmo.

Hærra goččoi profet Esajasa diedtetet Israel albmugi dam buoššodume:

»Vuolge ja cælke dam albmugi — cælkka Hærra —:

Gullet ja gullet, mutto allet Ibmerd, ja oidnet ja oidnet, mutto allet arved! Daga dam albmuga vaimo buoššen ja daga dam beljid gulutæb-

men ja dapa dam cælmid, amas dat oaidnet su cælmidesguim ja amas dam vaibmo ibmerdet ja jorggalet ječas, nuft atte dat dalkastuvvu.

Dam lakai galgga profeta sardne dugjot dam albmuga ala.

Si galgge buoššot, si galgge ain æambo garrat. Sin bæljik galgge šad dat æambo gulotaga, sin cælmek æambo oainotaga.

Hærdotume boatta, go olmuš gukka bagjelgæččea Ibmel armo. Mutto dat læ maidai juoga æera. Dat læ Ibmel duobmo sin ala, »guđek læk gažžarak æige jægad duottavuoda, mutto jægadek vanhurskesmættomvuoda.» Rom. 2, 8.

Dat læ hærdotume hirmos duobmo.

»Ibmel læ okta vanhurskes duobmar.« Bisovaš vuostehakko dam bæste armo vuostai bagge su daggar duomo buktet.

Salmačalle Daved cælkka: »Divte sin bævde šad dat harecabadden sin muodoi oudi ja giellan sigjidi go si læk oagjebasak.« Sal. 69, 23.

»Sin bævdde«, d. l. dat bestujumin riggaset læččujuvvum bævdde: Armo sadne Ibmelest, dat galgga sigjidi šad dat »harecabadden« giellan.

Dat læ hærdotume hirmos duobmo.

»Gæst i læk, sust galgga valdujuvvut vela datge erit, mi sust læ,« cælkka Jesus.

Sin ala, »guđek oidnek ja almaken æi oaine, ja guđek gullek ja almaken æi gula«, devdujuvvu, cælkka Jesus, dat duobmo, atte si æi galga ibmerdet, æi oaidnet æige ærotet.

Sin vaibmo læ sliddum, si læk bæljitæmek, si æi galga oaidnet cælmiguim, æige ibmerdet, æige ječaidæsek jorggalet.

Jesus čuorvoi daidi duottavuoda vuostai buššum Judalažaidi, atte dal sigjidi læi dušše oanekaš arbmo-bodduš vel, ja atte dal berriek si jakket čuovggasi dam bale go čuovgas læi.

Mutto Judalažak æi doattalam Jesusa, damditi čiekkadi son sin oudast, muittala Johannes.

Dat læ olbmui okta hirbmus, boddo go Jesus su oudast čiekkada. Dalle boatta dat aigge olbmui ala, atte son i satte oskot, i jorggalusa dakkat ige bestujuvvut.

Ibmel i buoššot bahavuoda ad dem bokte olbmui vaibmoi, mutto dag-

go bokse, atte son erit valdda su armos.

Son buoššoda daggo bokte, atte son i njuorasmatte.

Son cælmætæbmen dakka, go son i bajasčuvvge, cælkka girikko-áččee Augustin.

Hirbmus duobmo læ dam olbmui bagjel, gutte vuostai čuožžo Ibmela ige valde vuostai »rakisvuoda duottavutti.«

Damditi, go don odne gulak Hærra jiena de ale buoššod du vaimod.

„Hjemlandsposten.“

Uccanaš Sigerfjorast.

Dat bođi mudnji jurddagi, atte cællat moadde sane min ucca blađaci, mi vaddesvuodai čađa vigga olgusboatet ja oudedet min sævdnjadasast erit čuovggadassi.

Mi lavvep dabe čoagganet davja Ibmel sane birra, gost vieljačak ja oabačak bajasrakadek ja movtegattek gutteg guimidæsek sikke lavllomin ja rokkadallamin Jesus birra, gutte læ sieloi bæste. Dat orro mu mielast havske oaidnet, go vieljačak ja oabačak čoagganek ovta sagjai navdašet burid ja movtegattek guimidæsek.

Lekop mi damditi alo soavalaža ja rafhalaža gutteg guimidæmekguim, ja lekop alo buorre mielast ja dievva rakisvuodast gutteg guoibmamek vuostai; dastgo dat bukta migjidi likko ja dakka min oellem dabe ædnam alde likkolažžan. — Lekop mi buore juokkehaža vuostai, rakistekop guimidæmek Sarnodekop usteblašat juokkehažain. Allop mi ane soappamættomvuoda ja bælko ječčamek gaskast daihe ječčamek sidast, allopguim guimidæmek vuostai. Allopguim mi muošetutte ovtage njalmin, ja allopguim bivde, atte soappamættomvuotta daihe bahavuotta galgga læt min ja min sidaguimidæmek gaskast. Faktijekop mi ječčamek, atte mi æp ane vaše ovtage vuostai, nuft atte mi bælketep æraid ja si æi oažo mist rafhe. Batarekop erit soappamættomvuodast ja buok baha dabin, mak vahagattek min ja dakkek min oellem dabe likkotæbmen, ja mak vahagattek maidai min lagamuža. Diktrop mi vuoinadet rafhe ja soabalašvuoda, buorevuoda ja rakisvuoda ječčamek gaskast. Rakistekop lagamužžamek dego min ječčamek hæga. Jos mi oaid-

nep æraid morrašest ja dorvotesvuodast, ja go mi oaidnep, atte sist læ stuora vaibmo bavčas ja occalæbme juoga dinga dafhost, maid si læk massam, de jedđijekokop mi sin ja sarnodekop njuorraset singuim, ja gæččalekop lidnodattet sin morraš, daggo bokte atte mi læp lađđasak sin vuostai, ja valddep morraš ovtast singuim.

Diktrop rakisvuoda dola buollet vainoidæmek siste časkakætta, nuft atte mi æp divte čoaskot rakisvuoda, mutto lekop baica liggos buokai vuostai. Allop mi divte ječčamek læt baha mielast daihe adnet moare guđege ala. Jos oktage min vigga bivddet soappamættomvutti ja ožudet min — bælkket ja ridalet, de allop mi alge dam doattalet, mutto barggop rafhe bisotet nuft buoremusat go sattep. Soappamættomvuotta ja bælkko læk hæjos dabek. Dak mattek, jos mi adnep daid bæivalaš fidnon sidastæmek, dakkat min dile hæjos dillen; dastgo jos min sidast i læk rafhe ja soavalašvuotta, de læ — farga dagjum — min sida Ibmelburistsivdnadusataga. Mutto go min sidast læ rafhe ja soavalašvuotta ja mi dattop, atte min sida galgga læt rafhalaš ja æp haled gaskanæmek diktet moare ja rido, de dalle læ Ibmel buristsivdnadus ja valljogasvuotta min sidast, ja dalle læ mist likkolaš sida dabe ædnam alde.

Damditi rakis ustebak ja lokkek, adnop mi soavalašvuoda ja rakisvuogutteg guimidæmekguim. Allop mi divte daggar hæjos dabid stivret min sida, maina i læk migjidi avkke. Mutto lekop ainas buokak ovtamielalažak, arbmogasak, rakkasak vieljai ja oabai vuostai, vaibmoladđasak ja buorredatolažak; allopge mavse baha bahain ja bækkosanid bækkosaniguim, mutto dam sagjai buristsivdnedekop, vai mi arbbešeimek buristsivdnadusa.

Ja allop mige ane gæfhid fuodnen daihe bagjelgæča sin, dainago si orruk min mielast fuonebuk, ja go si gillajek vaile ja hoede, de gæččalekop mi sin veketet dađemielde go mi sattep. Mangas lavvijek bovddet riggaidd guossai, daihe daggarid, go si ječa læk, ja vuostaivalddek stuora buoras-tattemin; mutto harvve have læ dat, atte gæfhes olmuš muttomi lutte adnujuvvu arvost. Valddop mi vuostai rakis ustebak maidai gefhidge, ja allop bagjelgæča sin.

Ouddalgo mon loapatam mu čal-

lagam, bivdam mon juokkehaža, sikke gukken ja lakka, dinggojeket ja dollet viššalet Samegjel blađid. Bargget bisotet daid, daggo bokte atte di doallabetet daid angeret. Don, gutte ik læža vel alggam doallat Sami blađid, ja jos don dovdak, atte dust læk apek ja radde daidi, de alge dal jage algost. Jos don datok, atte du ædnegiella galgga bisotuvvut ja oudeduvvut, de doala Samegiel blađid. Æi læk æmbo go guokta ucca blađača, mak olgusboatteba Samegilli.

Maņemusta vel savam mon buok fukidi, oappasidi ja buok »Nuorttanaste« doalledi Ibmelburistsivdneduvvum ja likko-bukte odđajage.

Sigerfjorast 12. januar
Henr. Olsen.

Bapar divvro.

Amerikast læ baparhagde lasetuvvum 25%. Avisak šaddek maidai damditi divvrot.

Amerikanalaš

hakka soattebierrgasid valljet. Muttom oasse daina saddiuvvu Filipina sulloidi, gost i galga læt riehta maššo.

Ruošaædnamest.

Okta nisson gæččali gieskad — telegraferijuvvu Petersborgast — bæssat Čapismæra oaivvamuža lusa, gutte asai ovta hotellast Petersborgast. Politiak aristerijegje dam nissona ja gavdne su duokken ovta pistola. Son biettali namas muittalæmest.

Ruotarikast

Iæk rakadam daggar særve, mi galgga vuostabarggat olgusvagjolæme Ruotarikast. Dat særvve læ radđetusast bivddam 10,000 kruvna bargos oudnebmai.

Kristiania gavppeolbmai særvve læ maidai arvvalam daggar særve rakadet, mi galgga vuostaibarggat olgusvagjolæme min ædnamest.

Moldest

telegraferijuvvu 7. bæive dam manost, atte okta 16 jakkasaš gandda, Knut Neraas, bači su oabas ja maņnel ješječas.

Norgast

galggekk dal læt 2,321,688 olbmu.

Sameædnam golma gavpugest læk ordførarak buokak vidnejugakættes olbmak (goodtemplarak.)

Min ædnam

gruvabarggi lokko læi jagest 1902 3505, jagest 1906 læi lokko lassanam 5348 ragjai. Sæmma jage fidnijuvvui malma 10 miljon kruvna ragjai.

Stuoradigge

ravastuvvui fast 10ad bæive d. m.

12 tuiska dampa

aigguk dam jage bivddet Sameædnam. Stašona galgga læt Vargain.

Sokkarđuollo.

Radđetus aiggo ouddanbuktet arvvalusa, atte sokkarđuollo galgga vuoleduvvut 5ain ørain 1as januar rajest 1909.

Rørosast

læ læmaš hirbmos buolaš gidda 44 grada ragjai.

Ædnamdoargastus

læ gieskad læmaš nuortabælde Kristiania ja Ruota bæld.

Vesteraala

olglobælde læ alggam vebaš bivddo, nuft maidai Senjen bivddohamanin.

Skiervast

læ buorre bivddo, gidda 400 dorske ragjai goddek linain, 150 oaggo. Guolle dobbe galgga læt hui buoidde. Guollehadde læ 10 øra kilost, vuovvasest 10 øra litarest.

Dobbe læ maidai valljet salled.

Kilast,

muttom tuiska hamanest læ garradalke gæčel mærra baddam ædnam bagjel ja ollo duššadæme dakkam. Ollo assamvistek læ čace vuolde. Damp-pajottem dobbe læ ferttim aibas heit-tuvvunt.

Sameædnam bivddo.

Čaccesullost telegraferijuvvu 10ad januar:

Bergsfjordast 300—900 kg. vnona siste. Akšovuonast 100—600—200.

Hasvikast 100—400. Taborshavnast 120—300. Hasvaagain 50—180. Sør-

værast 340—560. Breivikast 100—280

Mefjorast 120—400. Avanoorest muttom smava vadnasak 500 ragjai. Hon-

nesvagest 300—800 ragjai. Tana bir-

rasin læk dalkek hettim bivdo. Seidav-

vuonast læk muttomak fidnam mæra alde ja fidnim 500 kg. ragjai.

Skuvlla-internata

arvvaluvvu rakaduvvut Lævdnjajokki Porsangost.

Amtmand Holst

læ jabman dam 9ad bæive dam manost vaibmovigest. Suina læ okta daina ollo beggjuvum politikkarin loapatam su vagjolusas.

Petter Theodor Holst læi riegdam Troandemest dam jage 1843. Sekondlõitnantan saddai son 1863. Præmielõitnantan 1869 ja ritmesteren 1881. Son læi 1870 rajest ænambrukar stiklestadast ja maŋŋel Verdalahast ja 1889 rajest Levangerest.

7 jage læi son ordføreren Verdalahast, ja 7 jage læi son sturadiggeolmajen, namalassi jagin 1886 — 91. Dam maŋemusast daina jagin namatuvvui sou statsraadan ja soatteministerin dam vuostas Steenalaš ministeriumast. Dam jage 1900 namatuvvui son amtmannen Kristians amti.

Kristianiast

riegadegje mannam jage 5895 mana daina legje 778 luovos mana.

Jabmi lokko læi 3050.

Garradalkke

læ læmaš Engelandast dam manost 14 skipa læk duššam. Ja muttom baiken læk garra arvek dakkam dulvid. Jogak læk bagjel ravdaid mannam ja likkotesvuodaiddakkam.

Gonagas Edvard

Engelandast ja su dronneg Alexandra ja prinsessa Viktorja aigguk Kristianiai boattet dam 10ad februar.

Danmarkost

læk dam manost læmaš hirbmos muotaborgak ja garrabiegak. Muttom baiken æi læk dollavavnok bæssam jottet muotaskalvi gæčel.

Skavličivgai soajai čuoppam.

Muttom baiken madden ja maidai Davve-Norgast læ dat fastes viero atte skavllečivgain nubbe soajast čuoppat muttom oase erit ouddal go dat bæsest olgusgirddele. Dam dakkak si, vai gæppasæbbo læ daid oažžot čakčat.

Min ædnamest læ okta særvve, mi goččujuvvu spirisuogjalussærvven. Ja dat særvve læ davja ouddandoallam, atte daggar mænoidi dæivatala spiri givsedæme rangastusmærradusa lagast. Guokta bonde Stavanger baikin læba dal laga oudast, damditi go læba loddin soajai suoppam.

Poasta

riededuvvui Søndfjorast, Madda-Norgast. Poastaolma læi vuogjemen ige diettam maidege ouddalgo okta amas olmai bođi, ja manga časkastaga addi sudnji oaivvai, nuft atte son jamalgi. Go son dasto morrani oini son, atte ruttapoasta læi buok rieveduvvum. Gannetus læ ovta olbma ala, gutte daggo lakka assa.

Norga boccek

New-Foundlandi.

Nuftgo mi ouddal juo læp muittalam, galgge Norgast vižžujuvvut boccek New-Foundlandi, Amerikai. Dast ouddal juovlaid læi damppa »Anita« Bosegopest viežžamen 300 boccek mak galgge suvdujuvut New-Foundlandi. Dak boccek læk ostujuvvum Guovddagæinost. Amerika radđetus læ dat, gutte daid oasta. Aslak Somby ja guokta æra bærraš — oktibuok 9 Sabmelaža, galggeke čuovvot daid boccei mielde, gæččam varas bocceid matke alde ja oapatet go dokko ollijek New-Foundlanda olbmuid boacobainanen. Muittaluvvu, atte si galggeke bærraš ala oažžot kr. 2000,00 balkkan.

Damppa agjana matke alde arvo mielde 2 vakko aige, ja Alatægjost læk čoggujuvvum arvo mielde 300 ton jækkalak borramuššan bocceidi matke alde.

New-Foundlanda læ okta stuora suolo Davve-Amerikast nuortabælde. Dobbe galggeke læt valljet jækkalak.

Æra rikai radđetusak ožudek bocceid ječasek ædnami, amasek dak stuora duoddarak joavddelassan orrot; mutto Norgast orruk boaco-Sami guotomsajek garžeduvvumen jagest jakkai, dagja »Sagai Muittalægje.«

*

Dat maŋemuš poasta daihe dak maŋemuš ođđasak muittalek, atte si læk ollim dærvan ja likkolæžžan dam mærreduvvum baikkai oktanaga bocceiguim, ja æi si læk gillam hæde matke alde. Boccein maidai i læk oktage roappanam matke alde

200 duhat

olbmu Indiast fertti stata væketet.

Salled

læ ain valljet birra buok, mutto hadde læ uccan.

Ruošalaš dille.

Polenest læk politiak ovta anarkista

čoaagalmasast aresterim 27 persovna.

Lensmaud Amble

Lappet læ eritbigjum virgest, damditi go departementa gavnai su jottemrekegid ila stuoresen.

Henningsværast,

Lofotast læk oaŋgo gæssam vebaš gulid. Balstadast læk linaiguim goddam 112 ragjai buoides čabba gulid.

Fugleoiast lakka Tromsø læk fidnim gidda 1000 kilo ragjai.

Englanda gonagas Norgi.

Darogiel avisak muittalek, atte gonagas Edvard, dronnig Alexandra ja prinsessa Victoria læk boattemen Kristianiai 10ad februar.

1 kruvna

oudast oažžo juokkehaš jage lokkus, mast son matta lokkat vuost vebaš dam divrrasæmus ja darbašlažamus aše birra, namalassi dam birra, mi gulla sielo bettjubmai, ja dasto oažžo son gullat sagaid sikke min rikast ja olggoædnamest. Buok dam oažžo dat, gutte dinggo

„Nuorttanaste“

ođđajage rajest.

Jos don Sabmelaš viellja halidak du aigad mielde čuovvot, de oaste ja doala dam vebaša, mi læ du ædnad gilli.

Jos don halidak æmbo diettet go dam, mi du uksalasa siskabælde dapatuvva, de doala Samegiel blađid, jos Darogiela ik mate lokkat, ja jos don vel matakge darogiela lokkat ja ibmerdak buok, maid logak Darogilli, doala almake Samegiel blađid — jos vela ik mange æra diti, de doala damditi, go dat læ Samegiella — du ædnad giella — du sogad giella, du olmuščærdad giella — dat giella, maid don alggek ueca manačen gukkat, ja masa don alggek ædne ja ače namatet.

Nuftgo don diedak maksa »Nuorttanaste« jagest dušše

== kr. 1,00 ==

ja jakkebælest

== „ 0,50 ==

ja matta dinggujuvut juokke poastarappe bokte mietta min rika ja blađe doaimatusast Sigerfjord, Vesteraalen.

Mana dal poastarappe lusa ja dinggo »Nuorttanaste«

»Nuorttanaste« čalle, prentejægje ja olgusadde læ G. F. Lund, Sigerfjord Vesteraalen.